

Interviste a Giovanni Agresti che al vuide la tierce manifestazion inmaneade de associazion Lem Italia che e a tocjat ai 27 e 28 di Avost anche il Friûl.

» DI CHRISTIAN ROMANINI



# Lenghis minoritariis in Caravane

**P**artide ai 16 di Avost de Calabrie, la tierce caravane linguistike inmaneade de associazion Lem Italia e tocje ancje il Friûl cun 2 zornadis, ai 27 e 28 di Avost. O vin contatât **Giovanni Agresti** di Lem Italia e docent de Universitât di Teramo, che al vuide la caravane.

## Cemût nassie Lem Italia?

“E nas tal 2008 in grazie di diviers coleghis de Universitât di Teramo e e je la antene taliane de Associazion Lenghis de Europe e dal Mediterani, fondade di **Henri Giordan**, studiôs francès autôr dal rapuart ‘Democrazie culturâl e dirit ae difference’, colaborant par **Jack Lang**, ministri de culture francese tal guvier Mitterrand”.

## E la caravane linguistike?

“Al jere il 2013 cuant che e je partide la prime esperience, che e e continue a vê chê di puartâ fûr dal

mont academic la cuistion de politiche linguistike”.

## Ce àno puartât lis primis 2 edizions?

“O vin slargjât il numar dai contats e des colaborazions. Al è nasût cussì il prin congrès mondiâl dai dirits linguistics che si è davuelt chest an a Teramo. La caravane linguistike nus à coventât par vê plui clare la situazion des minorancis linguistichis in Italie: chest al permet ancje di fâ une valutazion su la politiche linguistike e su lis azions, che cualchi volte a son stadis realizadis cuntun ciert diletantism”.

## Un balanç di cheste tierce edizion?

“O vin za siglât protocoli di intese o programâts prossims progjets e o sin za une vore sodisfats. Cun di plui cun cheste tierce edizion o sin daûr a fâ cognossi une propueste di leç a pro de minorance lingu-

stiche Rom in Italie. L’obietf al è il ricognossiment tant che minorance storiche linguistike. Plui il timp al passe e mancul i Rom a son cognossûts e integrâts e di consequence a crein problemis”.

## Il vuestri rapuart cul Friûl?

“Une vore positîf: l’an passât o vin presentade une publicazion che si clame ‘99 domandis su diversitât linguistike e dirits linguistics’ cu la Coop Futura edizioni di Sant Vît dal Tiliment che in curt e vignarà fûr ancje cu la edizion par furlan; o vin cjapadis sù intervistis pal progjet ‘Tramontana’ pe valorizazion orâl de lenghe romanze; o sin daûr a lavorâ simpri cun Futura par une publicazion su la minorance Romani; o presentin i risultâts su la indagjin ‘Rapresentazions sociâls di lenghe e identitât dal Friûl e no podeve mancjâ, tal an pasolinian, la visite a Cjasarse, te cjase dulà che al à vivût Pasolini”.



ilfriuli@ilfriuli.it

## ■ SOCIETÂT FILOLOGJICHE

### Cors di formazion in lenghe furlane

**L**a Societât filologjiche furlane, inte suaze dal progjet “La lavagne pluri-lengâl” inmaneât cul jutori de ARLeF pe promozion dal insegnament Clil in marilenghe tes scuelis, e inmanee un cors di formazion di 21 oris di alfabetizazion in lenghe furlane e metodologjie Clil viert a ducj i docents des scuelis dal Friûl.

**O ricuardin che la frecuece e je sore nuie e il cors di formazion al è acreditât dal Ufici Scuelastic Regionâl pal Friûl Vignesie Julie.**

La prime lezion e tacarà miercus ai 9 di Setembar cul dot. Franco Finco su la lenghe furlane. I docents di metodologjie CLIL pes lenghis minorizadis a son de Universitât Cà Foscari di Vignesie. Lis lezions si te gnin a Udin tal Liceu Scientific Marinelli des 15.30 aes 18.30.

**Par informazions e par iscrivisi** si pues mandâ une e-mail a **formazione@filologica-friulana.it** (tel. 0432 501598 int. 3).

## SCOLTADIS DI DRIUS

### Colpe de cjocolate

Le me femine e mangje chilos di Nutella. Cumò e vâ disint che le cjocolate e fâs ristrenzi les cotulis.





SMS: 393 00 90700  
 diretta@radiofantasy.it  
 TEL. +39 0431 30022

## la radio tra la gente

UDINE   VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600

[www.radiofantasy.it](http://www.radiofantasy.it)